



MARKAÐURINN

Sögurnar... tölurnar... fólkíð...

...við prentum!
GUDJÓNÓ
VISTVÆN PRENTSMÍÐJA
Sími 511 1234 - www.gudjono.is

Miðvikudagur 16. febrúar 2011 - 3. tölublað - 7. árgangur

Veffang: visir.is - Sími: 512 5000

Breyttar skattareglur
Gagnaverin láta vita af sér



2

Sparisjóðirnir
Endurskipulagning á lokaspretti



4-5

Indriði H. Þorláksson
Svarar skrifum Viðskiptaráðs um skatta



7

Þorvaldur hættur

Þorvaldur Lúðvík Sigurjónsson, forstjóri Saga Fjárfestingarbanka, hefur sagt starfi sínu lausu. Dr. Hersir Sigurgeirsson, stærðfræðingur og framkvæmdastjóri áhættu-
stýringar bankans, hefur tekið hans stað.



ÞORVALDUR LÚÐVÍK SIGURJÓNSSON

Þorvaldur Lúðvík vildi ekki tjá sig opinberlega um málið þegar eftir því var leitað í gær.

Hann var forstöðumaður eigin viðskipta hjá Kaupþingi en hætti þar árið 2006 til að stofna Saga Capital Fjárfestingarbanka. Hann hefur haft réttarstöðu sakbornings í tveimur rannsóknum á vegum embættis sérstaks saksóknara. Önnur lýtur að Kaupþingi í aðdraganda falls bankans, hin rannsóknin á kaupum Glitnis á skuldabréfi Stíms af Saga Capital.

Betri afkoma en spáð var

Hagnaður Icelandair Group eftir skatta á síðasta ári nam 4,6 milljörðum króna.

Hagnaður fyrir fjármagnsliði og afskriftir var hins vegar 12,6 milljarðar króna. Greiningardeild Arion banka bendir á í umfjöllun sinni um uppgjörið að það sé 1,1 milljarði meira en síðasta afkomuspá félagsins hafi hljóðað upp á.

Heildartekjur félagsins námu um 88 milljörðum króna sem er um 9,5 prósentu aukning frá 2009.

HELST Í ÚTLÖNDUM



VERÐBÓLGA Í KÍNA

Kínverska efnahagsundrið virðist komið út að þanmörkum, í bili að minnsta kosti. Verðbólga þar vex hratt og mældist 4,9 prósent í janúar, og hafði þá hækkað úr 4,6 prósentum síðan í desember. Mestu munar þar um 10,3 prósentu hækkingu matvælavæðs. Sérfræðingar búast við áframhaldandi verðbólguvanda, því Kínverjar glíma nú við hratt vaxandi eftirspurn sem ekki er hægt að fullnægja með ódýrum innflutningi.

METHALLI VESTRA

Barack Obama kynnti fjárlög ársins 2012 og hljóða þau upp á 3,73 billjónir dala, eða 3.730 milljarða dala, en það samsvarar um það bil 440.000 milljörðum króna. Fjárlagahallinn verður 1,65 billjónir dala, og hefur aldrei verið hærri. Hann á að lækka niður í 1,1 billjón árið eftir og síðan minnka smám saman. Heildarskuldur ríkisins verða komnar upp í 16,7 billjónir dala í september árið 2012, og hafa þá hækkað úr 14 billjónum, sem er skuldastaðan núna.

HÆGUR VÖXTUR Í ESB

Hagvöxtur í Evrópusambandsríkjunum mældist ekki nema 0,3 prósent síðustu þrjú mánuði ársins 2010, sem er sama tala og mældist á þriðja fjórðungi þess árs. Hagvöxturinn varð minni í Frakklandi og Þýskalandi en búist var við, en samdráttur mældist bæði á Grikklandi og í Portúgal.

Stefna á skráningu á hlutabréfamarkað

Teymi var skipt upp í tvo hluta um áramótin. Skýrr er orðið eitt af tíu stærstu upplýsingatæknifyrirtækjunum á Norðurlöndum, segir forstjórinn Gestur G. Gestsson.

Jón Aðalsteinn Bergsveinsson
skrifar

„Við stefnum að því að fyrirtækið verði skráningarhæft í lok árs 2012 og horfum til tvíhliða skráningar á hlutabréfamarkað árið 2013, hér og annaðhvort í Ósló í Noregi eða í Stokkhólmi í Svíþjóð,“ segir Gestur G. Gestsson, forstjóri upplýsingatæknifyrirtækisins Skýrr. Hann segir nóg að gera í upplýsingatækni, uppsveifla sé á hinum Norðurlöndunum, ekki síst í Svíþjóð og Noregi þar sem staða dótturfélaga Skýrr sé sterk á sama tíma og varnarbarátta sé háð hér.

Skýrr hefur síðastliðin ár heyrt undir Teymi-samstæðuna með Vodafone. Samstæðan var með fyrstu fyrirtækjunum sem lenti í vandræðum í krepunni 2008 og fór í nauðasamninga um mitt ár 2009. Gestur segir það hafa verið hárrétt skref og uppstokkun gengið fumlaut fyrir sig.

„Teymi var nánast með allar sínar tekjur í íslenskum krónum en lán í erlendri mynt. Þegar best lét var Teymi metið á 43 milljarða króna og skuldaði 21 milljarð á móti. Þegar félagið var sett í nauðasamninga hafði dæmið snúist við, skuldir orðnar tvöfalt hærri en virði eigna rúmlega helmingi lægri. Á sama tíma voru félögin í sínu lagi með gott sjóðsstreymi,“ segir hann og bendir á að hluthafar



GESTUR G. GESTSSON

Teymis hafi skilið hvert stefndi og því gengið til samninga við kröfuhafa, banka og lífeyrissjóði, sem tóku við félaginu. Þeir afskrifuðu ekkert, stilltu hluta skulda af svo félagið bæti borið þær og breyttu afganginum í hlutafé.

Í kjölfar nauðasamninga var fyrirtækjasamstæða Teymis stökkuð upp og einblínt á samlegðaráhrif fyrirtækja sem þar voru. Byrjað var á að sameina Skýrr, Landsteina-Streng, Eskil og Kögun í nóvember 2009 og Þórólfi Árnasyni, þáverandi forstjóra Skýrr sagt upp. Í kjölfarið tók Gestur við forstjórastólum. Sameiningar héldu áfram í fyrrihaust með samruna við EJS. Um áramótin var skrefið stigið til fulls þegar Vodafone og Skýrr voru skilin að og Teymis-nafninu kastað fyrir róða.

Við upphaf árs voru starfsmenn 1.070, áætluð velta á árinu er 24 milljarðar króna og búist við að að rekstrarhagnaður eftir skatta og gjöld (EBIDTA) verði 1,4 milljarðar.

Gestur segir um sóknaraðgerð að ræða sem muni skila því að Skýrr er áttunda stærsta upplýsingafyrirtækjum Norðurlanda. „Við vildum búa til félag með dýpri og breiðari þekkingu sem gæti þjónustað viðskiptavininn betur og skapað sér samkeppnisforskot,“ segir hann.

Skýrr

Skýrr 180 starfsmenn	Kögun 80 starfsmenn	Landsteinar-Strengur 40 starfsmenn	Eskill 20 starfsmenn
Hugur/Ax 100 starfsmenn	Kerfi (Svíþjóð) 270 starfsmenn	Hands (Noregur) 200 starfsmenn	

Tilboð í febrúar!

RayBan
sólglæraugu
aðeins
kr. 19.900.-

Model: 3025

www.opticalstudio.is

Optical Studio
SMÁRALIND • LEIFSSTÖÐ • KEFLAVÍK

Sjö látnir víkja í fyrra

Fjármálaeftirlit Dana fékk auknar valdheimildir.

Fjármálaeftirlit Danmerkur krafðist þess sjö sinnum á síðasta ári að yfirmanni í fjármála-geiranum yrði víkið úr starfi, að því er fram kemur í frétt Berlingske Tidende. Þrír í þessum hópi voru bankastjórar og hafa nú allir horfið til annarra starfa, eftir því sem Berlingske hefur eftir Fjármálaeftirlitinu ytra.

Eftirlitið fékk í júlíbyrjun í fyrra auknar heimildir til að knýja á um breytingar hjá fjár-

málafyrirtækjum í tilvikum þar sem vafi lék á hæfi stjórnenda.

Fram kemur í Berlingske að fyrir utan bankastjórana þrjá hafi verið fjallað um mál forstjóra tryggingafélags, stjórnarformanns í tryggingafélagi og tvo starfsmenn greiðslumiðlunar-fyrirtækja. Berlingske greinir frá því að áður hafi komið fram í fréttum að brottvikni forstjóri tryggingafélagsins hafi farið fyrir félaginu Brandkassen. - óká

Gefur vatn til Haítí fyrir milljónir

„Ég fer innan tíu daga,“ segir Jón Ólafsson, stjórnarformaður átöppunarfyrirtækisins Icelandic Water Holdings, um fyrirhugaða ferð sína til Haítí.

Fyrirtæki hans hefur sent 160 tonn af flöskuvatni undir merkjum Icelandic Glacial þar sem það er gefið nauðstöddum á Haítí. Þar hefur mikil neyð ríkt síðan jarðskjálfti upp á 7,0 á Richter-skalanum reið þar yfir og lagði höfuðborgina Port-au-Prince í rúst. Vatnið kom þangað um síðustu helgi.

Tala látinna er á reiki og hleypur hún á hundrað til þrjú hundruð þúsund manns. Allt að tvær millj-



JÓN ÓLAFSSON

ónir eru taldar hafa misst heimili sín og milljón til viðbótar orðið fyrir áhrifum af völdum hamfaranna. Þá skemmdust grunnstoðir samfélagsins, hreint drykkjarvatn er af skornum skammti og sjúkdómar tíðir af þeim völdum.

Fyrirtæki Jóns, sem bandaríski drykkjavörusinn Anheuser-Busch á fimmtungshlut í, hefur frá því fljótlega eftir að skjálftinn reið yfir sent nú fjórum sinnum á bilinu 400-500 tonn af drykkjarvatni til hamfarasvæðanna. Áætlað verðmæti gjafarinnar, vatnsins, sem tappað er á flöskur í landi Hlíðarenda í Ólfusi, nemur um einni milljón Bandaríkjadala, um 120 milljónum íslenskra króna. - jab

BANKABÓKIN			
Samantölur á vaxtatölum bankanna	Hæstu innlánsvextir	Yfirdráttarvextir eru hæstir	Yfirdráttarlán fyrirtækja
Arion banki	Markaðsreikningur 0,90% ^A	11,45%	11,40%
Íslandsbanki	Vaxtabrep 1,90%	11,50%	11,50%
Landsbankinn	Vaxtareikningur 1,40% ^B	11,45%	11,45%
MP BANKI	MP Sparnaður 2,30%	11,40%	9,50 til 11,40%
BYR	PM-reikningur 2,35%	11,40%	11,25 til 11,45%
SPARISJÓÐURINN	Netreikningur 2,45% ^C	11,45%	11,45%
Sea	Sparnaðarreikningur 2,45%	10,20%	Ekki í boði.

*Miðað er við 250.000 króna innlegg og sem skemmsta bindingu. ^A Bundinn í tíu daga. ^B Bundinn í sjö daga. ^C Úttektargjald hjá gjaldkera 0,25%
Athugið að ekki er tekið tillit til árgjalds, sem getur fylgt yfirdráttarreikningum.

Gagnaverin farin að láta vita af sér á ný

Breytingar á skattareglum hafa ýtt við þeim sem vilja reisa gagnaver hér. Allt er tilbúið, segir framkvæmdastjóri Farice.

Jón Aðalsteinn Bergsveinsson
skrifar

Áhugi þeirra sem vildu reisa hér gagnaver hefur lifnað við á ný eftir döða í kreppunni. Undanþágur frá virðisaukaskatti og samræming skattareglna um starfsemi gagnavera innan aðildarríkja Evrópusambandsins hafa orðið til að glæða lífi í hann.


„Þetta frumvarp um breytingu á virðisaukaskattslögum sem samþykkt var fyrir júl réði úrslitum um það hvort þessi iðnaður fer af stað hér eða ekki,“ segir Guðmundur Gunnarsson, framkvæmdastjóri Farice, sem rekur sæstrenginga tvo, Farice og Danice. „Ef það hefði ekki gerst hefðu þeir aðilar bara pakkað saman sem eitthvað voru að skoða hér.“

Guðmundur segir að allir þeir sem viðrað hafi áhuga á því að reisa hér gagnaver hafi beðið svo mánuðum skipti eftir niðurstöðum frumvarps um starfsmhverfi þeirra hér í fyrra. Þegar það náði í gegn hafi komið kippur í málið.

Töluverður áhugi var hér fyrir um þremur til fjórum árum á byggingu gagnavera og talið að það myndi valda sprengingu í eftirspurn eftir fólki með hátæknimenntun. Fyrstu niðurstöður athugunar á samkeppnishæfni Íslands fyrir netþjónaúbu voru kynntar um mitt ár 2007 og voru þær einkar jákvæðar. Í kjölfarið lýstu erlendir hátæknirísar á borð við Yahoo, Microsoft og Google yfir áhuga á að reisa hér gagnaver og var stefnt á að þau myndu rísa á næstu tveimur til þremur árum. Síðan þetta var hefur lítið þokast. Eina gagnaverið sem risið hefur til þessa er á vegum Thor Data Center í Hafnarfirði auk þess sem vinna stendur yfir við byggingu vers Verne Holding á gamla varnarliðssvæðinu á Reykjanesi.

Jón Viggó Gunnarsson, framkvæmdastjóri Thor Data Center, tók í samtali við Fréttablaðið á dögnum í svipaðan streng og framkvæmdastjóri Farice; áhugi á vistun gagna hér hafi aukist mikið eftir að frumvarpið hafi komist í gegn. Tækifæri séu fyrir hendi fyrir gagnaver hér enda farið að þrengja um þau í öðrum löndum.

Helsti þröskuldurinn á sínum tíma sem talinn var geta staðið í vegi fyrir uppbyggingu gagna-



ERUM VEL TENGÐ Ísland er tengt við umheiminn um þrjá sæstrengi. Tveir liggja héðan til meginlands Evrópu en einn til Grænlands og þaðan til Kanada. Þegar einn strengur bílar tekur annar sjálfkrafa við.

Farice var á barmi gjaldþrots

Eignarhaldsfélag Farice var með níu milljarða króna skuldir í vanskilum í árslok 2009. Það jafngilti rétt tæpum helmingi allra skulda fyrirtækisins. Eignarhaldsfélagið átti í viðræðum við kröfuhafa um fjárhagslega endurskipulagningu nær allt síðasta ár og var fyrirtækið með kyrrstöðusamning nánast allan tímann. Uppstokkun lauk rétt fyrir lok síðasta árs þegar

ríkið og Landsvirkjun lögðu Farice til ellefu milljónir evra, jafnvirði 1,7 milljarða króna. Á sama tíma samþykktu lánardrottinn að breyta kröfum sínum á hendur félaginu í hlutfé. Við það hurfu Skipti og Vodafone ásamt Orkuveitu Reykjavíkur og HS Orku út af hluthafalista Farice. Í þeirra stað komu kröfuhafarnir, Arion banki, Landsbankinn og skilanevnd Glitnis.

HLUTHAFAR

Fyrir endurskipulagningu (2009):	
Landsvirkjun	30%
Fjármálaráðuneytið	25%
Orkuveita Reykjavíkur	17%
Skipti	13%
Og fjarskipti (Vodafone)	11%
HS orka	4%
Eftir endurskipulagningu (lok árs 2010):	
Arion banki	43,47%
Fjármálaráðuneytið	28,07%
Landsvirkjun	26,69%
Landsbankinn (NBI)	1,05%
Skilanevnd Glitnis	0,71%



BIÐIN Á ENDA Kippur komst í viðræður við þá sem vilja reisa hér gagnaver eftir að Alþingi samþykkti frumvarp um breytingar á skattareglum fyrir júl, að sögn Guðmundar Gunnarssonar, framkvæmdastjóra Farice.

Telja tækifærin í orku og ferðapjónustu

Tæp fjörutíu prósent forsvarsmanna í íslensku atvinnulífi telja mestu verðmætasköpun hér næsta áratuginn liggja í nýtingu orkuauðlinda og hækkun raforkuverðs, samkvæmt niðurstöðum könnunar Viðskiptaráðs.

Á eftir fylgir ferðamennska og ferðapjónusta en þrjátíu prósent þeirra sem þátt tóku í könnuninni telja mestu tækifærin þar. Helmingi færri sjá mestu tækifærin í nýsköpun, fiskveiðum og iðnaði.

„Þótt svörin endurspeglar að hluta hefðbundnar áherslur í auðlindanýtingu, þá er greinilegt að tækifæri til verðmætasköpunar á grunni þekkingar eru forsvarsmönnum atvinnulífs hugleikin. Þetta er jákvæð þróun,“ segir Finnur Oddsson, framkvæmdastjóri Viðskiptaráðs. - jab

MESTU TÆKIFÆRIN *

Geiri	Hlutfall svarenda (í %)
Nýting orkuauðlinda	37,9
Ferðamennska/ferðapjónusta	30,3
Nýsköpun/hugvit	16,9
Fiskveiðar/fiskvinnsla/fiskeldi	16,2
Iðnaður	12,8
Gagnaver/hátækni/hugbúnaður	10,0
Menntun/þekking	6,6
Útflutningur	4,8
Skattar/skattalækkanir	4,1
Áliðnaður/stóriðja	4,1
Virkjanir	2,1
Evra/nýr gjaldmiðill	1,7
Annað	34,5

* Heimild: Viðskiptaráð

Vafamál um kaup á hlutabréfum í Össuri

FME skoðar mögulega yfirtökuskyldu.

„Ef það kemur upp vafamál þessu líku þá er það hlutverk okkar að komast til botns í því eða eyða vafanum,“ segir Gunnar Andersen, forstjóri Fjármálaeftirlitsins, FME.

Danski fjárfestingarsjóðurinn William Demant Holding keypti í síðustu viku 2,4 prósent hlut í stöðtækjafyrirtækinu Össuri á hlutabréfamarkaði í Danmörku. Sjóðurinn er helsti hluthafi Össurar og á eftir viðskiptin 39,6 prósent hlut.

Yfirtökuskylda miðast við 30 prósent hlut í skráðu félagi. Alþingi breytti reglum fyrir júl í fyrra á þann veg að þeir sem áttu yfir 30 prósent atkvæðisréttar í skráðum félögum fyrir 1. apríl í

fyrra mega ekki auka við hlut.

Greiningarfyrirtækið IFS bendir á að kaupin vekji upp spurningar um það hvort yfirtökuskylda hafi hugsanlega myndast af hálfu William Demant.

Eftirlit með yfirtökureglum er í höndum FME og hefur það túlkunar- og úrskurðarvald í málinu. Gunnar vildi ekki tjá sig um málið að öðru leyti.

Stöðtækjafyrirtækið er skráð á markað hér og á hlutabréfamarkaði í Kaupmannahöfn og eru dönsku yfirtökureglurnar rýmri en þær íslensku. Stefnt er að afskráningu félagsins og verður fjallað um hana á hluthafafundi Össurar í næsta mánuði. - jab

Greenland sem liggur á milli Íslands, Grænlands og Kanada og kemur á land í Landeyjum eins og Danice-strengurinn. Detti niður tenging á einum streng taki annar við. „Ísland er nú mjög vel tengt við umheiminn og getur þjónað ýmiss konar starfsemi,“ segir hann.

The VIB logo is a white lowercase 'vib' on a red square background.A large, gold-colored sign on a wall that reads 'ÁRANGUR TEKUR' in Icelandic.

Sparnaðarþjónusta fyrir alla

VÍB veitir sparifjáreigendum og fagfjárfestum alhliða þjónustu

Eignastýring Íslandsbanka hefur fengið nafnið VÍB og veitir alhliða eignastýringar- og verðbréfabjónustu með áherslu á fagmennsku og fræðslu. VÍB er leiðandi á íslenskum markaði með hundruð milljarða króna í eignastýringu og vörslu fyrir tugi þúsunda viðskiptavina, allt frá einstaklingum til fagfjárfesta.

Eigna- og lífeyrisþjónusta

Þegar um er að ræða hefðbundna ávöxtun fjármuna, sparnað í áskrift, stakar fjárfestingar eða ráðstafanir vegna lífeyrissparnaðar annast sérfræðingar okkar ráðgjöf og þjónustu.

Einkabankþjónusta

Viðskiptavinum sem gera ríkari kröfur til þjónustu býðst einkabankþjónusta með eigin viðskiptastjóra sem annast stjórn eignasafnsins og margvíslega ráðgjöf. Einkabankþjónusta hentar kröfuhörðum viðskiptavinum sem vilja mikla alhliða þjónustu.

Netbanki

Fyrir þá sem kjósa að stýra eignasafni sínu sjálfir veitir Netbankinn greiðan og hagkvæman aðgang að einu breiðasta sjóðaúrvali landsins og hlutabréfum skráðum í kauphöll.

Sérfræðingar VÍB veita upplýsingar um sparnað og fjárfestingar sem henta stöðu hvers og eins. Líttu við á www.vib.is eða hafðu samband í síma 440 4900 til að panta viðtal við ráðgjafa eða fá nánari upplýsingar.

Uppstokkun á sparisjóðunum enn í pípunum

Um tvö ár eru síðan fyrstu sparisjóðir landsins óskuðu eftir aðstoð ríkisins. Mikið vatn hefur runnið til sjávar síðan þá og nokkrir þeirra fallið í millitíðinni. En nú hillir undir að fjárhagslegri endurskipulagningu ljúki á næstu vikum. *Jón Aðalsteinn Bergsveinsson* skoðaði gang björgunaraðgerðanna og velti upp hugsanlegum breytingum sem kunna að verða á sparisjóðakerfinu.



AÐALFUNDUR NÝHERJA HF.

Föstudaginn 18. febrúar 2011, kl. 16.00 í ráðstefnusal félagsins, Borgartúni 37.

DAGSKRÁ FUNDARINS

- 1) Venjuleg aðalfundarstörf skv. 4.5. gr. í samþykktum félagsins.
- 2) Tillaga um breytingar á samþykktum félagsins.

Stjórn félagsins leggur fyrir fundinn nýjar samþykktir fyrir félagið. Þær byggja að grunni til á eldri samþykktum félagsins með viðbótum sem stafa af nýlegum breytingum á lögum um hlutafélag. Ekki er um verulegar efnisbreytingar frá fyrri samþykktum að ræða.

Helstu breytingar:

- Stjórnarmönnum fjölga úr þremur í fimm og kjörinn er einn varamaður.
- Hluthafafundur skulu boðaðir með a.m.k. þriggja vikna fyrirvara.
- Tekin eru upp í samþykktirnar ákvæði um rafræn samskipti og rafræna hluthafafundi og þátttöku í kosningum utan funda.

Aðrar breytingar á samþykktum eru orðalagsbreytingar og ákvæðum raðað í nýja númeraröð.

Við nýjar samþykktir bætist ný grein, 15.02: Tillaga um heimild stjórnar til aukningar hlutafjár um allt að kr. 100.000.000. Forgangsréttur hluthafa fylgir ekki hlutafjárukningu þessari.

- 3) Tillaga um heimild félagsins til kaupa á eigin hlutum sbr. 55. grein hlutafélagalaga.
- 4) Starfskjarastefna.
- 5) Önnur mál löglega upp borin.

Réttur hluthafa til að fá mál sett á dagskrá hluthafafundar og kosning

Hver hluthafi á rétt á því að fá ákveðin mál tekin til meðferðar á hluthafafundi ef hann gerir um það skriflega eða rafræna kröfu til félagsstjórnar með það

lögum fyrirvara að unnt sé að taka málið á dagskrá fundarins sem lögð verður fram viku fyrir fundinn. Þannig skulu óskir hluthafa liggja fyrir eigi síðar en kl. 16.00 föstudaginn 11. febrúar 2011. Nánari upplýsingar er að finna á heimasíðu félagsins, www.nyherji.is.

Á hluthafafundum fylgir eitt atkvæði hverri einni krónu í hlutafé. Eigin bréf félagsins njóta ekki atkvæðisréttar.

Atkvæðaseðlar og fundargögn verða afhent á fundarstað.

Hluthafar sem ekki eiga kost á að sækja fundinn geta:

- a) veitt öðrum skriflegt umboð
- b) greitt atkvæði skriflega

Þeim hluthöfum sem hyggjast nýta sér annan hvorn þessara kosta er bent á að kynna sér á heimasíðu félagsins hvernig þeir skuli bera sig að. Þar er að finna leiðbeiningar um skráningu og form skjala og hvernig þeim skuli skilað til félagsins.

Aðrar upplýsingar

Öll skjöl sem lögð verða fyrir aðalfundinn, þ.m.t. ársreikningur félagsins, nýjar samþykktir og tillögur, eru hluthöfum tiltæk á heimasíðu félagsins frá og með 28. janúar 2011, kl. 16.00.

Endanleg dagskrá verður birt á heimasíðu félagsins viku fyrir fundinn, 11. febrúar 2011, kl. 16.00.

Hluthöfum er bent á að skv. 63. gr. hlutafélagalaga skal tilkynna skriflega, minnst fimm dögum fyrir hluthafafund, um framboð til stjórnar. Tilkynnt verður um framkomin framboð tveimur dögum fyrir aðalfundinn.

Allar nánari upplýsingar um aðalfundinn er að finna á vefsíðu félagsins, www.nyherji.is.

Reykjavík, 27. janúar 2011.
Stjórn Nýherja hf.



BETRI LAUSNIR

Margir sparisjóðir eru mjög laskaðir. En það er mjög misjafnt hvernig þeim hefur reitt af í hruninu. Það er ekki skrítið, enda enginn á Íslandi, sem hefur verið í svona starfsemi sem ekki hefur látið á sjá," segir Guðjón Guðmundsson, framkvæmdastjóri Sambands Íslenskra sparisjóða.

Guðjón segir óvíst hvað björgunaraðgerðir sparisjóðanna muni kosta. Þótt ljóst sé að útlánasöfn þeirra séu illa farin mun endanleg mynd ekki fást af stöðunni fyrr en ljóst verði hvernig viðskiptavinir sparisjóðanna standi.

„Það eru ekki síður áherslur og ákvarðanir stjórnvalda um skuldadlögum íbúðareigenda og fyrirtækja sem komið hefur niður á sparisjóðunum. Þar er enginn til að taka tjónið á sig aðrir en þeir sjálfir," segir hann. „Þrýstingur um afskriftir skulda niður að 110 prósentu markaðsverðmæti fasteigna vegur þungt.“ Hann segir erfitt að átta sig á stöðunni. Viðskiptavinir sparisjóðanna standi misvel eftir landsvæðum og nefnir sem dæmi að íbúar Þórshafnar hafi ekki fundið fyrir uppsveiflunni eins og á höfuðborgarsvæðinu og suðvesturhorninu. Ekki sé útilokað að skuldavandamálum þar séu minni en gert hafi verið ráð fyrir og því gæti kostnaðurinn við skuldadlöguna orðið mun minni þar en á suðvesturhorni landsins.

BJÖRGUNARLÍNAN SEND ÚT

Við setningu neyðarlaganna í október 2008 var veitt heimild til að leggja sparisjóðunum til fjármagn til að fleyta þeim í gegnum þau skakkaföll sem þeir urðu fyrir í hruninu. Framlagið miðaðist við 20 prósent af eigin fé þess sparisjóðs sem eftir því óskaði í lok árs 2007. Þegar þetta var voru tuttugu sjálfstæðir sparisjóðir í landinu með heildareignir upp á tæpa 450 milljarða króna. Gert var ráð fyrir að björgunaraðgerðir gætu kostað ríkið í kringum 20 milljarða króna.

Átta sparisjóðir hugðust nýta sér líflínu hins opinbera og óskuðu eftir

framlaginu skömmu eftir áramótin 2009. Fljótlega kom hins vegar í ljós að í flestum tilvikum þurfti meira til en aukið fjármagn. Í kjölfarið tók við vinna að útfærslu á fjárhagslegri endurskipulagningu sparisjóðanna. Það fól meðal annars í sér viðræður við kröfuhafa, flesta erlenda. Í nokkrum tilvikum sigldu viðræður í strand með tilheyrandi afleiðingum. Sparisjóðabankinn féll fyrstur – í mars. Það var fyrsti dómínókubburinn í þéttriðnu sparisjóðaneti. Sparisjóðabankinn var heildsölubanki sparisjóðanna og samtímis því helsti kröfuhafi þeirra. Við fall hans fluttust kröfur á hendur sparisjóðunum yfir til Seðlabankans og hefur hann í samstarfi við fjármálaráðuneytið og breska ráðgjafafyrirtækið Oliver Wyman unnið að samkomulagi um endurreisn sparisjóðanna.

Endurskipulagningin til þessa hefur falið í sér að hluta skulda er breytt í eigið fé, víkjandi lán og almenn lán. Stofnfé er afskrifað í mismiklum mæli, stundum nær alveg. Það fer eftir eiginfjárstöðu hvers sparisjóðs og því að hvaða marki varasjóðir þeirra eru neikvæðir. Fram til þessa hafa fimm sparisjóðir sem ekki uppfylltu skilyrði Fjármálaeftirlitsins um lágmark eigin fjár farið í gegnum fjárhagslega endurskipulagningu á þessum nótum. Seðlabankinn, sem eignaðist kröfur á hendur þeim í kjölfar falls Sparisjóðabankans breytti skuldum og stofnfé í eigið fé og færði umsjón með eignarhlutum til Bankasýslu ríkisins.

MIKIL FÆKKUN SPARISJÓÐA

Sparisjóðirnir voru tuttugu talsins þegar hrúnið skall á fyrir rúmum tveimur árum. Þeir eru nú helmingi færri, þar af einungis þrír sem segja má að séu sjálfstæðir. Starfsmenn eru nú rúmlega 220 á rétt rúmlega 40 afgreiðslustöðum víða um land. Bankasýsla ríkisins á hlut í fimm sparisjóðum og tveir heyra undir Arion banka. Þá var Byr sparisjóði breytt í hlutafélag í apríl í fyrra. Óvíst er hvaða örlög bíða SpKef í Keflavík, sem FME tók yfir á sama tíma og Byr. Kröfuhafar stýra í

800

700

600

500

400

300

200

100

0

Töpuðu 135 milljörðum á tveimur árum

Afkoma sparisjóðanna hefur verið gagnrýnd lengi.

Sparisjóðirnir töpuðu 135 milljörðum króna á árunum 2008 og 2009. Það er næstum þrefaldur hagnaður þeirra á árabílinu 2001 til 2007. Að meðaltali var hagnaðurinn 8,1 milljarður króna á ári. Inni í tölunum er tæplega 38 milljarða króna hagnaður í uppsveiflunni 2006 og 2007. Ef þessi frávik eru undanskilin nam meðalhagnaður sparisjóðanna tæpum fjórum milljörðum króna á ári.

Guðjón Guðmundsson, framkvæmdastjóri Sambands Íslenskra sparisjóða, segir skýringuna liggja í því undarlega samkeppnisumhverfi í viðskiptabankastarfsemi sem verið hafi við lýði í mörg ár. „Með tilkomu umfangsmikillar fjárfestinga-

bankastarfsemi viðskiptabankastarfsemi á Íslandi minnkaði vægi rísléglar starfsemi. Viðskiptabankastarfsemi græddu svo mikið á eigin fjárfestingabankastarfsemi vaxtamunur eða aðrar telismásölu skiptu engu máli, vaxtamunur lækkaði og margs þjónusta, svo sem kreditkort gefin í stórum stíl. Tekjumyrir urðu að keppa við viðskiptabankana í verðum og neyðir því til að finna aðrar tekjurir en felast í hefðbundnum og útlánunum,“ segi hann og leiherslu á að þótt þetta sé einu mynd verði fólk að ger grein fyrir því að heildarmyrir verði að vera skýr áður en d séu felldir um það hvað eiga sér og hvað ekki.

kringum 95 prósentu hlut í Byr í gegnum eignarhaldsfélag þrotabúsins og svo gæti farið að fimm prósentu hlutur í honum renni jafnframt til Bankasýslunnar.

Ríkið hefur fram til þessa lagt 900 milljónir króna til Spkef. Jafnhá upphæð rann til Byrs, sem ekki var endurreistur í formi sparissjóðs. Minni sparissjóðirnir fimm sem að mismiklu leyti hafa lent í fangi Bankasýslu ríkisins fengu ekki beint eiginfjárframlag frá ríkinu heldur var um að ræða afskriftir og umbreytingu á skuldum í hlutfé upp á rúma 1,8 milljarða króna. Ótalin eru víkjandi lán.

Rósa Björk Brynjólfssdóttir, upplýsingafulltrúi fjármálaráðuneytisins, segir óvíst hvað endurskipulagning sparissjóðakerfisins muni á endanum kosta ríkið. Það muni skýrast þegar endurskoðun á ársreikningi Spkef, stærsta sparissjóði landsins, lýkur. Hann er væntanlegur á næstu vikum. Rætt hefur verið um að ríkið gæti þurft að leggja Spkef til allt frá tólf til tuttugu milljarða króna. Rósa Björk vildi ekki staðfesta slíkar tölur og lagði áherslu á að á meðan ekkert lægi fyrir um stöðu sparissjóðsins gæti hún lítið sagt. „Við viljum ekkert gefa út fyrr en það liggur fyrir svart á hvítu,“ segir hún.

ALLT UNDIR Í ENDURSKIPULAGNINGUNNI

Elín Jónsdóttir, forstjóri Bankasýslunnar, vill ekkert spá fyrir um hversu mikinn kostnað ríkið gæti þurft að bera vegna Spkef. Hún telur hins vegar líklegt að sparissjóðurinn renni allur til ríkisins og verði hann lokahnykkurinn á endurfjármögnun sparissjóðakerfisins. Hún segir allt undir og útilokar ekki að tveir eða fleiri sparissjóðir verði settir saman í einn, útibúum lokað og leitað frekari leiða til að hagræða í rekstri þeirra.

„Ég tel að rekstrarleg endurskipulagning sparissjóðanna í kjölfarið sé ekki síður mikilvæg. Frá okkar bæjardyrum séð eru allir möguleikar til skoðunar, bæði þarf að skoða rekstrarlega hagræðingu innan hvers sparissjóðs, hvert útibú

og kanna hvort það borgi sig; það verður að skoða hugsanlega sameiningu tveggja eða fleiri sparissjóða, sameiginlegan rekstur sparissjóðanna, upplýsingatæknifyrirtækið Teris og Samband íslenskra sparissjóða. Þetta eru hinir tveir miðlægu póstar sparissjóðakerfisins. Að okkar mati á ekkert að vera fyrirfram gefið að neitt sé útilokað,“ segir hún og bendir á að sparissjóðirnir hafi byggt upp kostnaðarsamt kerfi þegar þeir voru sem stærstir og hafi það lítið skroppið saman þótt ytri aðstæður hafi breyst.

Heildareignir sparissjóðanna eru í kringum 140 milljarðar króna sem er sambærilegt og fyrir árið 2001. Þar af reka sparissjóðirnir 33 prósent af öllum bankaútibúum í landinu. Á sama tíma eru þeir með innan við fimm prósentu markaðshlutdeild og fleira starfsfólk en stóru viðskiptabankarnir í hlutfalli við stærð efnahagsreikningsins. „Það gefur auga leið að töluvert mikið þarf að breytast. Allir innviðir og uppbyggingin tekur mið af gömlu kerfi. Það segir sig sjálft að það er dýrt,“ Elín segir ekki útilokað að einingar verði seldar út úr sparissjóðakerfinu. Á meðal eigna sparissjóðanna er upplýsingatæknifyrirtækið Teris, sem þjónustar fleiri fjármálafyrirtæki. Slíka þjónustu má útvísta.

„Það er allt undir. Ég tel að það sé mjög mikilvægt þegar búið verður að setja peninga skattborgara í endurreisn fjármálafyrirtækja að tryggja að þau verði rekstrarhæf til lengri tíma lítið. Það verður að skoða með opnum huga hvaða leiðir eru vænlegastar til að tryggja það,“ segir Elín en bætir við að gæta verði þess við hagræðinguna að horfa á í hverju verðmæti sparissjóðanna liggja. „Viðskiptamódelið gengur út á nálægð við viðskiptavinina. Þegar við skoðum erlenda banka og sparissjóði – eða minni banka sem vinna staðbundið í öðrum löndum – þá geta þeir sýnt fram á góða rekstrarniðurstöðu því þeir þekkja viðskiptavinina sína og eru öruggir í lánveitingum sínum. En auðvitað verður að byggja á styrkleikum sparissjóðanna. Það má ekki eyðileggja það,“ segir hún.



ENDURREISN SPARISJÓÐANNA Fjárhagslegri endurskipulagningu sparissjóðanna á að ljúka á næstu vikum. Nokkrir þeirra hafa fallið eftir hrúnið en misjafnt er hvernig þeir hafa komist frá hrúninu. SAMSETT MYND/KRISTINN

ÞRÓUN HEILDAREIGNA SPARISJÓÐANNA

2007 október SPRON skráð á hlutabréfmarkað. Heildareignir sparissjóðsins um mitt ár námu 208,5 milljörðum króna.

Markaðsverðmæti sparissjóðsins nam 94,5 milljörðum króna eftir fyrsta viðskiptadag á markaði.



2006 desember Byr sparissjóður verður til með samruna Sparissjóðs vélstjóra og Sparissjóðs Hafnarfjarðar. Heildareignir sameinaðs sparissjóðs nema 104 milljörðum króna. Ári síðar gengu Sparissjóður Kópavogs og Sparissjóður Norðurlands inn í samstarfið við Byr.



2009 júlí Sparissjóður Mýrarsýslu í Borgarnesi tapaði 21,2 milljörðum króna árið 2008. Eigið fé hans var neikvætt um 15,1 milljarð í lok ársins og eigið fé neikvætt um 32,1 prósent. Eiginfjárlutfallið mátti lögum samkvæmt ekki fara undir 8,0 prósent.



Fjármálaeftirlitið tók sparissjóðinn yfir. Nýja Kaupþing (nú Arion banki) var stærsti kröfuhafinn og keypti hann þrotabúið.



2009 mars Sparissjóðabanki Íslands (áður Icebank) fer í þrot og SPRON sömu leið.

■ Innlán SPRON voru í kjölfarið flutt yfir í Nýja Kaupþing (nú Arion banka) en greiðslumiðlun sparissjóðakerfisins var síðar flutt yfir í Byr sparissjóð.

■ Sparissjóðabankinn var mikilvægur hlekkur í sparissjóðakerfi landsins. Bæði var hann heildsölu-banki þeirra og helsti kröfuhafi auk þess sem sparissjóðirnir áttu ríflega helmingshlut í honum.

■ Við fall Sparissjóðabankans fluttust innstæður og kröfur á hendur sparissjóðunum yfir til Seðlabankans, sem varð helsti kröfuhafi sparissjóðanna.

Furðuskrif Viðskiptaráðs um skatta

ORÐ Í BELG

Indriði H. Þorláksson

hagfræðingur og fyrrverandi aðstoðarmaður fjármálaráðherra



Viðskiptaráð Íslands (VÍ) hefur hrósað sér af því að stjórnvöld fyrir hrun hafi framkvæmt flestar tillögur þess. Það hjálpaði til við að skapa bóluhagkerfið sem sprakk með eftirminnilegum hætti haustið 2008. VÍ er á ný komið á fulla ferð með boðskap um afturhvarf til fyrri tíma og þeir stjórnmalaflokkar, sem á sínum tíma veittu VÍ brautargengi, dansa enn sem fyrr eftir tónlist VÍ.

Í grein í Markaði Fréttablaðsins 2. febrúar síðastliðinn reynir Viðskiptaráð að styðja endurteknar en órökstuddar fullyrðingar sínar um skattahækkunir talnalegum rökum. Greinin er prýdd súluritum sem eiga að sýna gífurlegar hækkunir skatta frá 2007 til 2010. Af þeim má lesa að skattar hafi frá 2007 til 2010 hækkað um 9% til 100% auk upptöku á nýjum skatti, auðlegðarskatti. Hækkunin á að vera frá 48% upp í 157% auk nýrra gjalda á heitt vatn og rafmagn og kolefnisgjald. Formaður Framsóknarflokksins endurómar talnaferið og boðskapinn í grein í Fréttablaðinu 11. febrúar og í Morgunblaðinu 14. febrúar síðastliðinn.

Það segir sig sjálf að þessar meintu hækkunir á sköttum ættu að koma fram í tekjum ríkissjóðs. Því er fróðlegt að líta á staðreyndir um þróun skatta síðustu ár.

SKATTAHÆKKANIR

Starfshópur fjármálaráðherra um endurskoðun á skattkerfinu skilaði áfangaskýrslu í september síðastliðnum.

Í henni er meðal annars að finna talnalegt yfirlit yfir þróun skatttekna ríkisins frá árinu 2005 til 2011. Uppfærslu á þeim tölum sem þar birtust, með tilliti til fjárlaga fyrir 2011 og að teknu tilliti til tilfærslu fjár til sveitarfélaga vegna breyttrar verkaskiptingar, má sjá í töflunni hér á eftir. Skattar eru þar sýndir sem hlutfall af VLF, sem er algengasti mælikvarði til að sýna þróun skatta og samanburð við aðrar hagstærðir.

Tafla 1 sýnir að skattar hafa lítið breyst á síðustu tveimur árum og eru nú í flestum tilvikum lægri sem hlutfall af landsframleiðslu en þeir voru á árunum fyrir hrun. Undantekningar eru fáar og eiga sér skýringar og rök. Eignaskattar hafa hækkað nokkuð vegna upptöku auðlegðarskatts en eru samt lægri nú en þeir voru á árunum fyrir 2008 þegar almenni eignarskatturinn var við lýði. Sá skattur var greiddur af mjög mörgum. Auðlegðarskatturinn er hins vegar nú greiddur af litlum hluta gjaldenda, sem er tekjuhæstur og á mestan hluta eigna í landinu, þar á meðal af þeim sem juku eignir sínar í bóluhagkerfinu og hruninu á meðan allur almenningur mátti þola eignarýrningu.

Ný gjöld, undir liðnum Önnur vörugjöld, eru umhverfisgjöld, sem flestir hagfræðingar og umhverfismeðvitadír menn eru sammála um að séu skynsamlegir og hagkvæmir, sem og orkusattar, sem fyrst og fremst eru greiddir af þeim erlendu aðilum sem nýta auðlindir landsins fyrir lítið fé. Vegna andstöðu talsmanna atvinnurekenda við þann skatt og að tillögu þeirra var trygginga-

gjaldið hækkað nokkuð í staðinn og má segja að það sé eina skatttegundin sem hækkað hefur afgerandi.

LÆGRI SKATTAR OG LÆGRI HEILDARSKATTBYRÐI

Súluritið sýnir heildarskatta á föstu verðlagi á hægri ásnum og sem hlutfall af VLF á vinstri ásnum.

Af súluritinu í töflu 2 má lesa í fyrsta lagi að skattar hafa ekki hækkað frá 2007 til 2010, heldur lækkað. Á föstu verðlagi hafa þeir lækkað um yfir 100 milljarða króna frá 2007 til 2010. Fullyrðing um að skattar hafi almennt hækkað á þessu árabili er því röng. Í öðru lagi sést að 2007 voru skattar sem hlutfall af landsframleiðslu 31,2 prósent en á árinu 2010 var þetta hlutfall 26,9 prósent, eða 4,3 prósentustigum lægra. Það sýnir að ríkið er nú að taka minna í sinn hlut en áður, þ.e. heimilin halda meiru eftir. Í þriðja lagi má sjá að skattbyrðin nú er mun lægri en hún var í þeirri gósentíð fyrir 2009 sem VÍ þráir. Á árunum 2005 til 2007 var skattbyrði af sköttum ríkisins að jafnaði um 32% af VLF en á árunum 2009 til 2011 verður hún um 27% af VLF eða um 5 prósentustigum lægri en áður. Sá munur samsvarar um 80 milljörðum króna.

BREYTINGAR Á TEKJUSKATTI EINSTAKLINGA

Nánari athugun sýnir að flestar fullyrðingar VÍ um hækkun á einstökum sköttum eru rangar eða villandi. Dæmi um það er meint hækkun á almennum tekjuskatti einstaklinga um 9 prósent og á fjármagnstekjuskatti um 100 prósent. Þegar lítið er á efstu talnalínu töflu 1 sést að í reynd lækkuðu tekjuskattar einstaklinga milli 2007 og 2010 sem hlutfall af VLF úr því að vera 8,75 prósent í 7,67 prósent, eða um rúmlega 1 prósentustig, sem þýðir að sem hlutfall af tekjum einstaklinga hefur lækkunin verið um 1,5 prósent. Hluti þessarar lækkunar er vegna samdráttar í fjármagnstekjustofnunum en meginástæðan er lægra skatthlutfall á lágar tekjur í almennum tekjuskatti og að hækkuð skatthlutfall fjármagnstekna var ekki 100% þar sem lágar vaxtatekjur voru undanskildar hækkuð 2009 og verða skattfrjálsar hjá yfir helmingi gjaldenda á árinu 2010. Hækkun verður hins vegar hjá þeim tiltölulega fáum sem safna á sínar hendur stórum hluta vaxtatekna, arðs og söluhagnaðar og hafa til þessa gildið af því lítinn skatt.

BREYTT SKATTBYRÐI

Eins og sýnt hefur verið fram á hér að framan eru þær staðhæfingar að skattar hafi stórlega hækkað rangar. Það sem breyttist var hins vegar dreifing skattbyrðarinnar. Á árunum fyrir 2009 hafði skattbyrði aukist jafnt og þétt hjá öllum nema þeim sem höfðu allra bestu tekjurnar og þeim sem höfðu framfæri af atvinnurekstri, einkum fjármálavafstri og einkahlutafélagavafningum, svo og erlendum aðilum sem höfðu tekjur hér á landi. Hjá þeim lækkaði skattbyrðin. Með þeim breytingum á sköttum sem gerðar voru á árunum 2009 og 2010 er snúið af þessari braut, sem merkjandlegt er af tölum og hördum viðbrögðum þeirra sem áður nutu sérstakrar vildar.

Línuritið í töflu 3 sýnir tekjuskatta og auðlegðarskatt við álagningu á árinu 2010 í samanburði við 2009 (tekjuárin 2008 og 2009) sem hlutfall af tekjum hjóna sem raðað hefur verið eftir tekjuhæð. Tekju-



Í VERSLUNARFERÐ Í grein sinni segir Indriði Þorláksson rangt að skattar hafi hækkað hér á landi á árunum 2007 til 2010, þvert á móti hafi þeir lækkað um yfir 100 milljarða króna á því árabili.

SKATTAR RÍKISINS SEM % AF VLF 2005 TIL 2011 (TAFLA 1)

% af VLF	2005	2006	2007	2008	2009	2010	2011
Tekjuskattur einstaklinga	8,59%	8,89%	8,75%	9,00%	7,33%	7,67%	7,61%
Tekjuskattur lögaðila	2,28%	2,77%	2,80%	2,23%	2,07%	1,38%	1,62%
Eignarskattar	1,30%	0,75%	0,91%	0,50%	0,35%	0,54%	0,65%
Virðisaukaskattur	11,12%	11,31%	10,52%	9,08%	8,08%	8,16%	8,10%
Vörugjöld af bensíni	0,85%	0,77%	0,70%	0,59%	0,73%	0,75%	0,76%
Oliugjald	0,17%	0,48%	0,48%	0,40%	0,41%	0,41%	0,42%
Áfengisgjald	0,69%	0,65%	0,62%	0,55%	0,65%	0,66%	0,67%
Tóbaksgjald	0,37%	0,33%	0,30%	0,26%	0,29%	0,30%	0,31%
Önnur vörugjöld	1,66%	1,52%	1,42%	0,93%	0,58%	0,95%	0,98%
Aðrir óbeinir skattar	1,22%	0,86%	0,86%	0,77%	0,75%	0,77%	0,81%
Tollar og aðflutningsgjöld	0,34%	0,40%	0,42%	0,40%	0,35%	0,38%	0,33%
Aðrir skattar	0,87%	0,27%	0,43%	0,48%	0,89%	0,80%	0,75%
Tryggingagjöld	3,19%	3,29%	3,03%	2,82%	3,06%	4,13%	4,09%
Skatttekjur alls	32,7%	32,3%	31,2%	28,0%	25,5%	26,9%	27,1%

skattar, þar með talið útsvar og fjármagnstekjuskattur, og auðlegðarskattur er lægra hlutfall tekna hjá yfir 60 prósentum gjaldenda í neðri hluta tekjuskalans. Þar fyrir ofan er nokkur hækkun, einkum efst í honum, svo skatthlutfall þar verður ekki lengur undir meðaltali eins og áður var.

Hin stóra breyting í skattlagningu 2010 er að í fyrsta skipti koma nú fram breyttar áherslur í þá átt að beita sköttum markvisst í umhverfismálum og að því að endurheimta hluta af arði af auðlindum landsins, sem spilað hafði verið úr höndum þjóðarinnar á síðustu árum.


RANGAR ÁLYKTANIR VÍ

Súluleikfimi VÍ kann að einhverju leyti stafa af óvandaðri tölfræðivinnu en það dugar ekki til að skýra hana að fullu og afsakar ekki þær fullyrðingar sem byggðar eru á henni, svo sem þá að þvert ofan í þá staðreynd að skatttekjur ríkissjóðs voru um 1% umfram áætlanir á árinu 2010 er fullyrðing skattstofnar hafi dregist saman miðað við áætlanir. Aðrar ályktanir í grein VÍ eru sama marki brenndar.


NIÐURSTAÐAN AF FRAMANGREINDU ER:

- Skattahækkunir á árunum 2010 og 2011 hafa verið mjög hóflegar. Hrunið sem varð 2009 leiddi til lækkunar skatttekna um 6-7 prósent af VLF. Síðan hafa skattar hækkað um 1,6 prósent af VLF.
- Skattar eru nú sem nemur um 5 prósent af VLF lægri en þeir voru á árunum 2005-2007.
- Að því leyti sem tekjuskattar hafa hækkað hefur sú skattbyrði verið lögð á hin breiðu bök sem áður nutu skattalegra vildarkjara en hinum minna megandi verið hlíft.
- Tekjuskattar einstaklinga með miðlungstekjur og lægri hafa

SKATTAR ALLS (TAFLA 2)



SKATTAR Á TEKJUR OG AUÐLEGÐ (TAFLA 3)



lækkað, en hækkað nokkuð á fólk með mjög háar tekjur.

- Nýir skattar til verndar umhverfi og til að tryggja þjóðinni aukinn arð af auðlindum hafa verið teknir upp þótt í takmörkuðum mæli sé.

Það er algengur kækur hagsmunasamtaka að láta sem þau tali fyrir hag allra þótt það sé sjaldan raunverulegur tilgangur þeirra. Það er ekki óeðlilegt

að talsmenn ákveðinna þrýstihópa í samfélaginu kveði sér hljóðs og flytji mál umbjóðenda sinna en gera verður þær kröfur að fram komi í hverra þágu þeir tala og að þeir haldi sig við staðreyndir í málflutningi sínum.

ÞÚ2.0

UPPFÆRÐU ÞIG Í 2.0

Á hverju ári eyða fyrirtæki og einstaklingar háum fjárhæðum í að uppfæra tölvubúnað til að halda í við tæknina. Þetta þykir sjálfsagt mál - og er það að sjálfsögðu. Sú hugsun að

maður þurfi að hlúa að sjálfum sér, rækta og uppfæra er okkur ekki jafn töm. **Það er hins vegar mjög mikilvægt að fólk og fyrirtæki fjárfesti í eigin hæfileikum og þrói þá áfram.**

77%



þú2.0

Við hjá Dale Carnegie getum orðið að liði með áratuga reynslu í að hjálpa fólki að verða betra í því sem það gerir eða langar að gera.

ÓKEYPIS KYNNINGARTÍMAR FYRIR EINSTAKLINGA

Hringdu í 555 7080 og taktu frá sæti.

16. feb. **Reykjavík**
Ármúli 11, kl. 20.00

Í KVÖLD

22. feb. **Akureyri**
Greifinn, kl. 18.00

22. feb. **Dalvík**
Berg menningarhús, kl. 20.30

ÓKEYPIS VINNUSTOFUR FYRIR STJÓRNENDUR

Hringdu í 555 7080 og taktu frá sæti.

REYKJAVÍK

17. feb. **Tökum jákvætt á neikvæðri hegðun**
Vinnustofa fyrir stjórnendur
Reykjavík, Ármúli 11, kl. 8.30 til 10.00

Á MORGUN
17. FEB.

24. feb. **Leiðtogastíll**
Vinnustofa fyrir stjórnendur
Reykjavík, Ármúli 11, kl. 8.30 til 10.00

AKUREYRI

23. feb. **Leiðtogastíll - Akureyri**
Vinnustofa fyrir stjórnendur
Akureyri, Greifinn, kl. 8.30 til 10.00

NÆSTU NÁMSKEIÐ:

Reykjavík:

17. febrúar
Áhrifaríkar kynningar

2. mars
Sölustjóranámskeið

8. mars
Stjórnendanámskeið fyrir verkstjóra
Árangursrík sala
Leiðtogaþjálfun fyrir stjórnendur

9. mars
8 vikna Dale Carnegie kvöldnámskeið

10. mars
12 vikna Dale Carnegie kvöldnámskeið

17. mars
12 vikna Dale Carnegie kvennámskeið

21. mars
Þjónusta á heimsælikvarða

30. mars
Stjórnun viðskiptatengsla

7. apríl
Þjálfun fyrir þjálfara

Akureyri:

16. mars
8 vikna Dale Carnegie morgunnámskeið
stjórnendaþjálfun



Ármúla 11, 108 Reykjavík
Sími: 555 7080 | Fax 555 7081
www.dale.is

BANKHÓLFID

Og hvað á fyrir-tækið að heita?

? Einkahlutafélög hafa á stundum fengið allkostuleg nöfn, samanber félögin Afsprengi og Von. Annað dæmi umkostulegt nafn er útgerðarfélagið Redding, sem eigendur Eyrarodda á Flateyri eiga. Fyrirtækjaheitin geta svo orðið enn einkennilegri eins og sjá má á félagi sem leit dagsins ljós á Fyrirtækjaskrá á föstudaginn var. Það er einkahlutafélagið Ubezpieczenia, sem sérhæfir sig í váttryggingum og lífeyrissjóðum. Hver treystir sér annars til að segja það þrisvar upphátt?

Vantrú eða timburmenn

Nýjustu mælingar sýna að kortavelta hefur dregist saman í upphafi ársins. Greining Íslandsbanka bendir á í umfjöllun sinni í gær að velta í janúar hafi, samkvæmt tölum Seðlabankans, dregist saman um nærri tvö prósent milli ára ef stuðst er við heildarnotkun á debetkortum einstaklinga innanlands. „Kveður hér við annan tón en í tölum undanfarinna mánaða þar sem nokkur aukning varð á veltunni,“ segir þar. Síðan verður hver og einn að gera upp við sig hvort aukið

á d h a l d í korta-notkun sé til marks um vantrú fólks á batnandi efnahagsástandi eða hvort hér megi greina timburmenn jólahalds sem farið hefur úr böndum.

Rafblaðið

Fyrirtæki ástralska fjölmiðlaskótsins Ruperts Murdoch gaf nýverið út fyrsta dagblaðið sem einvörðungu er mögulegt að lesa á iPad-spjaldtölvuna frá Apple. Margir fusuðu og sveiðu og furðuðu sig á því að nokkur skyldi láta sér koma til hugar að betra sé að lesa dagblað af skjá fremur en á gamla máttann.

Breska vikublaðið Economist segir tímann væntanlega skera úr um örlög blaðsins, sem kostar tæpra hálfa milljón dala að gefa út í viku hverri, rúmar fimm tíu milljónir íslenskra króna. Economist hefur reyndar eftir sérfræðingi að blaðið muni líklega þrauka enda kosti hvert eintak svo lítið sem 99 sent, tæpar 114 krónur.



11 milljarða viðsnúningur til hins betra varð á rekstri Icelandic Group milli fjórða ársfjórðungs ársins 2009 og sama tímabils árið eftir.

7% verðfall hefur orðið á olíu eftir að Hosni Mubarak hrökklaðist úr embætti Egyptalandsforseta.

433.000 krónur eru launin sem Jón Sigurðsson þáði dag hvern í fyrra fyrir að stýra stoðtækjafyrirtækinu Össuri.

Af litlum neista...

Kröftug stjórnun sýruseytingar

Sýrupolin hylki

Sértækur verkunarháttur

Brjóstsvið

Meðferð

Sýrupakning

Magasýra

Lausastöð

Skammtímameðferð

Höf og virk hemlun á sýruseytingu

Prótónupumpuhemill

Kröftug sýrustjórnun



Omeprazol Actavis

- öflugt lyf við brjóstsviða og súru bakflæði

20 mg, 14 og 28 stk. – fánlegt án lyfseðils í næsta apóteki

Notkunarsvið: Omeprazol Actavis inniheldur ómeprazol sem hemur seytingu á magasýru. Omeprazol Actavis er notað við tilfallandi brjóstsviða og súru bakflæði. **Frábendingar:** Ofnæmi fyrir innihaldsefnum, samtímis notkun lyfja sem innihalda claritromýcín hjá sjúklingum með skerta lifrarstarfsemi, samtímis notkun lyfja sem innihalda atazanavir. **Varúð:** Gæta skal sérstakrar varúðar: Ef verulegt og óvænt þyngdartap verður, við endurtekin uppköst, ef erfðleikar eru við að kyngja, við blóðuppköst eða blöð í hægðum, ef lifraeða nýrnastarfsemi er skert, ef þú færð niðurgang eða ef þú hefur fengið fylgikvilla (blæðingar eða sár í meltingarfærum) vegna bólgueyðandi verkjalyfja. Láta skal lækni/lyfjafræðing vita ef bólgueyðandi verkjalyf eru notuð. Börn og unglingar undir 18 ára aldri eiga ekki að nota lyfið nema að ráði læknis. Omeprazol Actavis inniheldur súkrósa. **Meðgangsla/brjóstgjöf:** Leitnið ráða hjá lækni áður en lyfið er notað. **Akstur og notkun véla:** Aukaverkanir, svo sem þreyta, sviði og sjón- og heymartruflanir, geta komið fram og geta haft áhrif á hæfni til aksturs eða notkunar véla. **Aukaverkanir:** Algengar aukaverkanir eru niðurgangur, hægðatregða, vindgangur, ógleði, uppköst, svefntruflanir, sundl, höfuðverkur eða þreyta. Þessar aukaverkanir verða yfirleitt vægari við áframhaldandi meðferð. **Skammtastærðir:** Fullorðnir: 1 sýrupolíð hylki eftir þörfum. Ekki má nota meira en 20 mg á sólarhring. Ef einkennin hverfa ekki eftir að Omeprazol Actavis hefur verið notað í 14 daga skal hafa samband við lækniinn vegna þess að einkennin getu verið af öðrum orsökum. Gleypa á sýrupólnu hylkin með glasi af vökva. Sýrupólnu hylkin ætti að taka fyrir máltíð (t.d. morgunmat eða kvöldmat) eða á fastandi maga. Hvorki má tyggja né mylja sýrupólnu hylkin. **Lesið vandlega leiðbeiningar sem fylgja lyfinu. Geymið lyfið þar sem börn hvorki ná til né sjá.** Júlí 2010.



SHARP
SJÓÐVÉL · XE-A113

32 vöruflokkar
Allt að 200 PLU númer
Sjálfvirk dagsetning og tími
Hitaprentun
Rafrænn innri strimill
Mjög auðveld í forritun

Kr. 54.900,-

SHARP
SJÓÐVÉL · XE-A203

32 vöruflokkar
Allt að 1200 PLU númer
Sjálfvirk dagsetning og tími
Hitaprentun
Íslenskur strimill
Rafrænn innri strimill
Mjög auðveld í forritun

Kr. 69.900,-

SHARP
SJÓÐVÉL · XE-A303

40 vöruflokkar
Allt að 1800 PLU númer
Sjálfvirk dagsetning og tími
Hitaprentun
Íslenskur strimill
Tveggja línu skjár
Mjög auðveld í forritun

Kr. 69.900,-

SHARP
SJÓÐVÉLAR
OG ÞÚ ERT Í GÓÐUM MÁLUM

ORMSSON
LÁGMÚLA 8 · SÍMI 530 2800
Umboðsmenn um land allt · www.ormsson.is